



Aqqalu C. Jerimiassen

UKA 2022/35

Atassut

20. oktober 2022

Isertuussanik kalerriisartut pillugit inatsisissamik kalerriisartunik illersuisussamik Naalakkersuisut piareersaallutillu siunnersuuteqarnissaannik, suliassallu tamatuma aalajangiiffigisassatut siunnersuut manna akuersissutigineqarniariapat aallartinneqarnissaannik, peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq, Asii Chemnitz Narup, Inuit Ataqtigiit)

Qiningaaffiup uuma siuliani saqqummiunneqarsimasunut una saqqummiussa eqqaanartoq eqqaamaniarsinnaavara, UKA2018-imi UPA2019-imilu nangingneqartut immikkoortut pingasuusut taamanikkut oqaaseq atorineqartoq malillugu ”oqajamaanut” aqqissuussinissaq eqqartorneqarmat.

Nunarpasuit maanna Wristleblowereqarnikkut annertuumik siuarsimasumik inissisimalereersimapput, assersuutitullu taaneqarsinnaavoq, USA-mi 1989-imili Wristleblowerit illersungaananut inatsimmik sanasoqareernikuusimavoq¹.

Tassuunakkullu uagut inuiaqtigiittut annertungaatsiamik katataasimanerput ajoraluartumik ersarippoq.

Pisariaqarneruleralluttuinnarpormi ullutsinni, inoqatitta toqqissillutik sulisinnaanissaat arlaannik ilerasunnermik peqaratik. Kalerriisartoqarnerullu qanoq pingaaruteqassusia ukiuni kingullerni nunarpassuarni takussaasareerpoq, sorpassuit qulaarneqarsinnaanngikkaluit qulaarneqartalernerannik malitseqartalersimammat.

Kinaluunniimmi siorassuteqarani suliffeqarfimmini ilerasuuteqartarnermik pisortaniit suleqatinilluuniit eqqungaasalersimanguni kalerriuteqartarsinnaanera inatsisitigut illersungaasinnaasariaqarpoq.

Tamaattumillu assortoruminaapoq, naak soorunami mianersorfissartaqarsinnaangaluarluni, isertuussanik kalerriisartunik nunatsinni inatsisitigut illersungaasunik peqarnissaq.

Taamatut naatsukullammik Atassummiit oqaaseqarluta, siunnersuut suli mississorneqaqqissinnaanera soqutiginaateqartikkatsigu Inatsisinut ataatsimiitsitaliamut innersuupparput.

¹ [Whistleblower Protection Act - Wikipedia](#)

